

太乙舟詩集

太乙舟詩集卷十

新城陳石士甫著

三男蘭第
從姪孫夔校刊

望棲靈山

曉曉日照氤氲翠巘蒼崖望不分
鳥衝盤盤餘磴級松濤謾謾散
聲聞佛花上界飄香雨樵徑何人
掃白雲便欲攀蘿尋舊夢昔年曾
此訪匡君

大孤山

竊伏獅蹲幾剎那年年長此俯江波
荒荒蘭若安龍象兀兀雲根浸薜蘿
孤踞漫嫌靈跡隱登臨應厭俗人過
連峯列岫空相向倚傷全空奈爾何

抵金陵

真成涉世比虛舟又作金陵汗漫遊從宦豈誇元相宅辭
家不賦仲宣樓囊中書劍成千古海外乾坤到十洲慚愧
昔年鴻爪在邗原心事若爲酬

十載長持一瓣香行滕重東石城裝移山儘負愚公誚沈
眼還求扁鵲方二乘因緣心湛定六朝花月夢荒唐鍾陵
好載元亭酒那要鴻都列上庠

途中過浦口諸山作

又作關河觸熱行重尋舊夢踏嶙峋隔年水欲沒前路迎
面山如逢故人僧侶已辭邀結夏

予與達宗有
習靜之約

旅懷空自

惜殘春平生不負遊踪處回首江南一愴神
郎當晨鐸破殘宵帽影鞭絲度板橋省惜馬
飢兼僕倦敢
云鳳怕與鸞飄空山有夢尋叢桂碧月何心
賦洞簫此日
慈恩携酒客帝城是處總聯鑣

舟中生日過潁上縣作

幽懷何處託青雲潦倒真慚卅載身北馬南
船淹歲月詩
壇酒社夢星辰仲宣才只中郎許管子交惟
鮑叔真算到
人生知己感不因貧賤也傷神

汴梁懷古

放眼中原第一程驅車初到大梁城雉樓近
壓寒蕪碧嵩

岳遙連返照明萬里山河歸控制百年人物慶昇平秀才
誰稱吳公薦入洛空誇陸士衡

獵騎西來且奕棋信陵沈算合兵機如何玉帳無專寄坐
便長平困急圍事到艱難朱亥去國當危蹙郭閑歸婦人
醇酒傷心處幾向夷門弔落暉

瓊樓鴛瓦泣秋風誰是梁王舊日宮介弟已從車服偕詞
人漫逞賦才雄不逢田叔來關右空遣鄒陽出獄中千古
自稱經術貴與人家國事何窮

錦纈牙檣舊夢迷垂楊何處認鴉棲汴流今日還通漕鑿
火當年總映堤不信荒遊成利澤翻從鑿空得端倪民間

疾苦官家法寄語書生慎考稽

吹臺遺跡尙崔巍歌舞當年樂未迴
泉韻不隨清瑟香花魂應化美人來
雲沉舊夢天無色風掠寒蕪却有灰
想得聯吟高適輩一番憑弔一番哀

艮嶽山前黯暮烟
卒駝岡外草連天
離宮甲帳真延醺跡

今作羽客金門枉號仙
尚有鬼神居寂寞
更無花石闢清

妍如何換作藩王宅
滄海飛塵又百年

十三層塔聳孤寒
石磴縈迴上百盤
側足乍疑來洞底
振

衣俄已到雲端
靖康帝子骨俱朽
洪武藩王銘尙刊
却與

客懷增曠處
黃河今向掌中看
宋明帝之殂
壅於塔下

隔牆便是梵王家，粥鼓經魚禮釋迦。寺老已無唐代碣樹
高疑放宋朝花，閒階競集魚龍戲。公廨常參早晚衙，相國寺有
數處我亦憎房過從慣，每隨步履問三車。

渡河

五年西向長安笑，今日驅車方渡河。天意遲遲如有待，我
懷落落本無多。芻蕘能束潰隄性，伊洛終歸赴海波。眼底
黃流平放好，未須惆悵爲蹉跎。

風景

風景暄妍屬小春，征裘初減渡河身。晴雲映日紅猶重，隄
柳含烟綠尚勻。農已收場停打稻，羹如點鼓漫思尊。天涯

行止隨緣好那必商量去住因

腰站途中

崖谷參差爲掩覆雲林遠近與迷離忽從曠野斜陽外如
到深山落照時險處漫思兵可伏閒來肯信客無詩平生
最有江南興爲憶沙棠繫水湄

趙北口

荒荒古戍暮雲開獵獵寒風客騎來世有平原空好客時
無樂毅敢言才浮沙水涸緣堤立遠樹天空挾路迴百載
承平閒斥埃簡書日夕漫相催

七月初五日午門宣 旨紀 恩

太乙舟詩集

卷十

四

上界慈雲下日邊捧來紅本聽傳宣省親地憶趨庭郡述

祖詩成周甲年四世漫誇垂蔭遠

先祖凝空府君舉乾隆戊辰科進士而從姪希

曾亦於今年典江南試

一門真媿受

恩偏緘書急報高堂喜釀酒

行當寄菊泉

筍將

筍將擎月破晨烟入眼風光記昔年攤貨列行人趁集解
鞍倚樹客呼船憐渠塵事艱生計媿我頭銜比列仙 聖
代儒臣恩遇渥辦裝猶領水衡錢

栢鄉衙中

名城雉堞與雲齊百里官程信馬蹄石獸嵌牆新宅小灘

沙塋舊故橋低溝渠漫欲詢前事綽楔猶堪認舊題水利
名賢留意處一鞭殘照又沉西

詠雲

秋雲無意豁吟懷雨後晴初景特開白玉十枝浮艇去碧
城一座倚空來人情幻逐封姨轉詩境新疑織女裁但可
膏苗休破塊爲雲斟酌出山才

內邱行館卽事

行館蕭閒夕照中庭虛消受晚涼風出牆老樹玲瓏碧閣
雨殘霞迤邐紅芟草全教通石氣敲棋渾欲助詩功曲房
似艇疑宵泊夢泛江南月一篷

耶鄆

雙亭隻堠計官程北趙南燕此日情挂壁鴉鋤銷戰器吟
風人柳換歌聲銀鐙宛轉三生夢寶劍淒涼蓋代名飽飯
却眠醒便去可憐過客盡盧生

磁州衙中

冀北行來曠野多連岡南上此坡陀稍分燕趙風雲色試
采邢洛士女歌築壘基荒牆缺角住家人少隴收禾澹烟
斜日官程外幾縷秋雲正似羅

連夜夢鍾溪得長句一首俟他日却寄

少時筆硯相依處與汝離居各十年西蜀使歸重話舊上

林春好共朝 天書生風味盟疇昔 王事星霜接後先
怪底江南秋月夜夢中偏識路三千

安陽懷韓魏公

一集安陽重至今文章勲業感人深幾先鄭國安宗社論
定舒王稱翰林玉帳自饒經畧手黃花如見相公心我來
故里閒凝佇五色雲疑挂晚岑

途中口占

種花糝雪打包中晚獲殘枝尙隴東平野石鋪千壘浪遠
岡車碾一帆風地名熟似聽鄉語方俗傳應紀說叢迴首
八年前過此奚囊依舊貯詩筒

湯陰謁岳鄂王祠行五里許謁嵇侍中祠

扁鵲墓碑在侍中祠

南數里

侍中祠近岳王宮孤憤心原死事同古柏陰森猶蓋瓦靈
旗飄轉自揚風方從仙授難醫妬功與謀違肯錄忠歎息
厓山卽蕩水何人活國問倉公

試院月夜

初十日

散帙初收夜未央靜中滋味覺偏長秋心渺渺人眠榻夏
屋渠渠月到廊營掩千門猶鼓角筆搖五嶽自風霜中州
從古多才傑敢以登壇詡老蒼

新城雨中早發見輿夫行泥淖中感作

晴雲入夜忽模糊急點俄喧候吏呼白雨曉光帶林薄頽
肩人影跋泥塗幘幘事借忘行野輿衛身安可入圖爲問
書生消受處生平不愧八騶無

途次寫望

秣馬膏車事夙興翔陽空外已東升壞橋卧石仍歌澗荒
塚棲田半近塍村畔好花初漠漠沙邊軟路共兢兢郡侯
邑宰勞迎送自媿才非擅八能

舟中無事戲擬玉溪生體二首

天半朱霞映夕陰意中擇木有良禽渡江迢遞三春路幕
廟栖遲一夢心橫竹解吹秦女曲步搖猶戴漢時簪西窗

倚索玫瑰笑說與湘絃按古琴

籍甚猩唇與豹胎瓊筵造次闕追陪香燒鵲鼎垂垂燼豆
灑牛車得得來薄怒亦知非本意耽吟畢竟是清才智環
姊妹多幽怨方便何因訪鵲媒

長橋隘

置隘多因嶺峻成長橋關下獨迤平深林倚巘參差轉仄
徑沿畦曲折生前去嵐梯仍仰陟此間鳥道却低行肩輿
卅里長汀路較可泉漳別稱情

春日祀事後偕平叔制府遊華林寺

勝遊成約踐招提恰趁翔陽未上時花雨欲迴京國夢春

陰低護海棠枝

京師法源崇效諸寺海棠最盛高花可陰地丈餘闕南獨少此花寺中才見一盆上

人云無植於地者

買山未必能參佛觀俗由來可賦詩拈取桃花

參悟處季常莘老共襟期

楹聯有靜坐勝買山句寺中碧桃盛開余折數枝携歸

白隔嶺

曉趁輕陰趣午程平疇過盡又山行遙嵐隔霧獻晴色深

澗奔泉成瀑聲野老認官爭擁路方言說嶺誤呼名

白隔嶺俗

誤呼爲鶉鴿嶺

笑他怖鴿非仙驥詎許山靈借主盟

福甯有白鶉嶺

林田嶺

林田嶺勢極崇隆嶺下山田稜百重倚岫曲盤頻轉路對

山平揖最高峯石情娛客痕畱蘇林影分行葉認樅却怪

閩溪多雪瀑漳南水靜不聞春

下邱墩嶺喚渡迴望石勢甚奇

澄澄江色映巉巖虎踞獅蹲毛髮鬚豈意肩輿登絕壁居然聯騎下空嵌中流一棹秋烟外迴首千峯夕照銜慚媿勝遊難刻畫始知陶謝境超凡

季樂亭招游掃葉寺觀瀑布

山徑沿溪入小村寒雲深處叩僧門泉聲可醒塵勞夢石色如畱太古痕幽興能諧綠地主晶簾未見悵蘭言淅京瀑布多奇勝何日偕君共討論

過泰山贈楊蓉峯同年

聖主勤民祈雨澤去年專使禱云亭泰安太守虔將事
策馬登山助薦馨平日政聲齊杜母年來舊侶似晨星書
生報國籌康濟剪燭談深僕倦聽

日觀峯前夢乍迴五年三度振鐮來未能重訪登封跡祇
自深慚課士才我欲導人采秋實君思與世上春臺較量
事業應輸汝莫更風前賦標梅

若舉時
有退志

趙北口

十二紅欄映碧波秋光平展水痕拖果然風景江南似只
少沙棠客棹過憶昔懷人思樂毅頻年剖璞重荆和由來
得土非豪舉曾笑平原未足多

余趙北口舊題有世有平
原空好土時無樂毅莫言

才之句

途次有感

心術宜存根本地才能莫誤指揮餘范喬泣視古何士晏
子納楹今有書不信劉殷誠自致可憐和嶠病難除金原
不得追前韻卷展秋風疏證初

自趙北口至鄭州

闕干十二了無存疎柳空波自早春風景正堪娛過客市
廛何處覓詩人公孫遺跡京名易北冀交場賈走聞戰壘
銷沉遺廟在漢妃底事蘆溪蘋

土人訛以鄭州爲王牆故
里有王牆廟閭中紙客每

歲四月至
此寶易

宿州

魏公功過相衡處一肯安能掩大忠
亂定苗劉安社稷誠輸韓岳服英雄
縱憐鐵像悲無主豈比金牌巧事戎
不與武鄉侯並論紫陽遺語本來公

謁禹廟

一維十衢照天星

形家語

形勝猶傳窆石亭山鎮會稽標吳

宅職方奠幣溯明廷頻年水患連江浙
洪範微言測杳冥安得羽陵窺玉簡
隨刊或有未傳經

陸築田太守招同汪勵軒總戎小集萬象山崇福寺
旋出城登南明山觀李陽冰篆靈崇寺剝蝕不可

辨惟米南宮南明山三字尙存嵯石上而題款亦
有不可辨者

栢州形勝重探處萬象山頭一覽亭峯影臨溪環雉堞浪
痕搖麥散烟汀樽前舊雨諧今雨身外傳經愧授經

時校士初

竣却喜總戎多逸興更能喚渡越郊垌

隔岸初過一葦杭肩輿拾級步相將徬畦旋轉入山徑迎
面嗟哉橫石梁老樹參天根不露危亭踞嶺洞能藏摩崖
誰刻儒先語可有人真溯紫陽

石梁刻敬義二字

十三日李家庄行館漫興

一月前當此日中海昌東去閱堤工菱槌初壓濤頭險鱗

石剛催水際功誰使大塘成
漏澤頗聞北漲禱龍宮
斗絕儲登眺回首尖山愧竇公

游獅子林

蟻附螺旋地數弓探幽疑到化人宮
坡陀上下渾難測
一縱橫綴以空具體金焦來眼底
分支泰華得環中文家
派別誰相似試擬姚

牧菴

王遵若

可許同

碧沼滌洞水一灣隔橋相望儼神仙
便疑仙棗生斯地可
有謨觴駐世閒貝氏園今殊世代
倪迂畫本壓荆關只憐
入耳松濤寂化去龍鱗更不還

園有五松今餘其一而亦頽落無生意

舟中卽目

鴛湖一棹更湖東
稻隴黃雲入望中
飽穗愁經寒氣重
占晴喜見晚霞紅
昨聞楚北連淮左
屢報堤開與水通
兩湖幸無淫潦患
秋成早晚盼年豐

靳莊途中

兩岸高嵯十里賒
中通一徑走谿斜
此於兵法堪藏伏
若遇陰霖恐沒車
望遠畧能辨林木
趨塗端可避風沙
從知氣象分寬狹
處世全身悟等差

沂州諸葛武侯故里

三代而還望孰如
殘編世尙寶心書
論才自貴成周士
故里猶傳近聖居
抱膝吟懷猶異撰
浴沂佳日恰停車
隆中

氣象今何似，倘有奇才起草廬。

紀黃梅修堤事寄懷寶松溪觀督

五祖村前水橫流，嗷鴻誰切楚人憂。擇官大府檄重下任

事賢侯，工果鳩。

鹿萍相公撫楚時初使君襄辦隄工後以久不竣檄君專辦

父老來前

持幣去傭夫，受直使民修石隄。十數年無恙，當日干旄幾

月留。

君以所領隄工費三萬六千金交民自修而自居村廟督工

賀蓮士先生得子用石君先生韻二首

雲鳳剛徵璇閣夢，玉璋欣倚繡綢安。名家自有承家子，盛

德真宜進德冠。

唐以冬至賜羣臣進德冠先生昨亦拜端綺之賜

九殿珮聲趨月

曉，一簾花影護宵寒。彤庭荆策箕裘在，記取他年彩筆

干

門閭喜氣慶闌杆照座瓊枝氣不寒玉果犀錢從宴客貂蟬奕葉穩加冠文名他日稱蘇頌清望中朝屬謝安我作彭宣呼後輩願分衣鉢彩毫端

賀蘭雪得子之喜二首

黃氣朝來已上眉魚箋千里報君知掌擎藍玉從稱寶帖有泥金莫歎遲崔禁臚傳簪帽日繡綳香護早梅時卽看盛事還雙擅雛鳳先徵賀客詩

自倚平生取友端預期佳話接長安他年若置當時驛小友應彈貢禹冠鳴崔從來徵子和種蘭須與護春寒沈詩

任筆傳弓冶共看形庭彩筆干

喜蘭雪病愈既贈七言長句復次其輕字韻律詩一

章

生死隨人自重輕喜君已解性其情返魂丹豈神仙得洗
髓功原內景生交誼從今增密契詞源在昔導深評同思
初自庵中客放一頭須藏盛名

余與蘭雪初交時贈以敬業堂集爲稿

和英煦齋師勗兩郎君一授庶常一授檢討元韻

飛渡蓬萊阿那邊先登並濟擢初聯得知勵學言堪佩早
信生才祐自天玉署追隨迴舊夢金吾清切接新緣

巡城於漢

赤金吾之職

阿難領受如來偈眼見光明握一拳

報國承家無限情
初枕先與認蓬瀛
人間訓子同斯意
門內多才視所生
誰仰慈雲知蔭遠
自慚老鳳未聲清
和詩小試傳衣處
呈艸孫枝亦取盈

時命四子皆和韻

和英相國師紀恩詩韻

韋平家世受恩宜
看取瀛洲四葉楣
翽鳳從誇周士吉

雕龍合擅鄴中奇

杜詩多謝鄴中奇謂建安體也

條冰署刺登三幅

翰林故事

七科前輩例受吉士三刺辛酉至今逾七科

主宴簪花領一枝

宴新進士例命禮部堂官主

宴賁以金花一枝

每過容臺誦楹帖
同歌盛事豈嫌遲

師繼文莊公長春官

今署中楹帖師所撰句也

暮史朝經手一編

暮史朝經無外求暮史朝經賜用光聯語

書生風味自年年
慙

無事業酬函丈願以觀摩最後賢淨業湖連新第柳定香
亭憶舊池蓮他年可續題名記軺傳仍撈響揚壇

余有浙江使院

題名記

賀秦小峴侍郎偕令孫重遊泮宮詩

投綬身依第二泉襦衫重曳泮宮邊豈無韻事徵前事

重遊

泮宮者前有王光祿錢詹事王侍郎

難得孫年似祖年宵雅肄三居派合彤

庭舉首策名先傳家文筆兼名位努力王融說象賢

賀覺生前輩擢詹事

端君名位惟公稱清望由來重九宸省寺廻翔遲此席

股肱倚畀竚新綸學非阿世進持祿才可匡時合愛身

川濟但占爻利涉松孤莫倚節嶙峋

賀王小鵬儀曹擢荊州守次荔峯韻時同人公餞演
劇太守獨有取於況龍岡判獄及湯玉茗勸農法
曲有合於東坡荊州詩意輒爲頌揚仁風

龍岡當日亦儻曾作守名垂撫字勞賦免荒田除冊籍水
疏隣郡靜波濤抗言折獄心原苦祖席徵歌意更豪一種
賦詩言志例使君胸次故清高

望裏雲烟四境收城中臺閣足遨遊渚宮寂寞空遺構絳
帳荒涼漫勝流都尉誰勤搜粟事堯咨不賦望沙樓東坡
如見王夫子九扈從欣職肯修

壽楊暢亭郎中

騰達

六十初度

論文意氣十年餘，老眼猶能夜讀書。
笑我朱顏須借酒，羨君元髮未辭梳。
祥刑自慕于曼倩，敦行人呼徐仲車。
料理賓朋周甲宴，慇懃煩德曜與清娛。

葉芸潭觀察五旬初度

芸潭與我生同歲，宦局京朝昨始分。
百里潞河兼郡轄，更番驛使寄詩勤。
漫堂官職初聯袂，夢得文章早策勲。
可惜一樽初度酒，未能命駕去論文。

正聲何處問微茫，歎息前賢枉擅場。
異代只應追甫白，同時誰可繼朱王。
樽前意氣仍疇昔，鏡下鬚眉各老蒼。
隻手

扶輪吾輩事未嫌晚歲共擔當

杏花纔放海棠時曾共劉生

芙初賦

古詞飛札訝君挑戰

急交綏笑我報師遲

余以遊法

原寺及看紅杏青松

卷詩寄君君時扈蹕遊盤山用龔字作七

古回五疊韻索和而余未能會

分無山谷羊腸句敢作松陵漁具詩更舉

蓮言紓諾責阮亭成例自君知

阮亭不作和韻詩

交親兩世誼岑苔引領青雲滿外臺

天語屢承

恩最

渥恩辱蹕途次屢蒙召見

鴈行竚見府同開食單已喜門生議

李蘭卿舍

人時往稱祝

蘭夢應徵驥子來介雅有詞多寫意爲余展卷一

浮杯

龔梅岩封翁暨陸夫人七十雙壽嗣君聲甫侍御索

詩

通守殊 恩拜 賜衣公才公望鳳揚輝如何驥子登

朝後已自梁溪買棹歸幕府應官容借箸皖江迴夢憶披

幃平生我記趨庭語心折中丞杜德機

先君守太平時亦最爲朱文正所知

烏臺瀛館兩傾心令子同朝話盍簪笙奏陔蘭徵致語宴

開庭桂接新陰

聲甫侍御丁丑分校禮闈今年秋試復與分校

名臣風誼尊前許

蕰吏家聲傳上尊仙侶劉綱雙舉解南雲彩結五雲深

壽李小松先生太夫人二首

瓊管瑤笙慶紫都萊衣開宴畫堂初十州經席歌恩澤八

座祥雲護起居光滿銀蟾秋影潔花飄香粟桂枝舒彩鸞

獻爵麻姑醉教孝羣看奉板輿

五雲宮闕鬱中天昨歲恩知愧獨先絳帳身原居鄭後玉

堂名許在盧前

用光入館後謁見蒙稱許過量

乍趨江國金貂座又買櫟

河畫鷁船上壽華筵稱介福春明執轡記他年

爲戴崑禾觀察太夫人七秩晉八壽

先公清望絜甘盤壽母南陔聽采蘭繡豸新頒兼職牒金

飴剛博弄孫歡

觀察接篆日謁太夫人剛報舉重孫之喜

三大湔簪行真拜四

代同堂共豔看喜我重來歌盛事侑觴詩與賦斯干

寄哭楊伯溪太親翁

蘇山一夕起天風鶴駕來迎入十翁鄉望卿銜重晉外

國恩置吏具題中

公乙酉秋重赴鹿鳴宴恩晉四品卿銜今年五月捐館江西延撫題本具

奏在籍病故

當官清節時爭仰論事先機識更融每憶笑談徵

掌故虎賁引座悵無窮

身世當年爲我籌因憐霜鬢亦驚秋謂能性戒稽康嬾何

礙心從若士遊兩世交情勞遠念前賢述作愧冥搜

胡公以文

良任翼聖相期殊愧難副公望也

還家幾載天人隔卷掩西清淚肯收在

閣中于題本內得公耗

輓王心坡

門戶能支崛起身卅年僚婿重婚姻平生才惜官爲累環堵家憐老尙貧猶有故人懷氣誼更無遠札話精神春明

大乙言集卷一
廨舍章江棹往事捫留淚浥巾

聽傳健飯與飛觥老友頻爲鷗鷺盟惜我未聯霜鬢影悲
君空賦薤歌聲佳兒能了公家事浮世難銷遠宦情揮涕
爲拈詩老句此身雖在亦堪驚

用遠山句

哭譚琴岩親家

報書未接已歸真

余復琴岩札已寄而琴翁先兩日捐館

踰嶺能來豈夙因

卅載交情留夢想一生宦况耐艱辛高談每散花中雨大

府頻延坐上賓

百菊溪金蘭畦皆不以屬吏待之

誰分同年才款洽

平叔制府

芸叻前輩皆翁同年也

翩然鶴駕遽離塵

醫派曾傳掃葉莊

翁幼嘗私淑薛一瓢

如何身病中膏肓扶危屢見

人嘲惠

翁謀歸江西某令檄並擇婿遣嫁其女又嘗雪板盜案之獄此類事甚多至其醫人危疾見效甚

速出險偏難自立方不信班荆慳伍舉空憐賣藥失韓康

翁欲以醫遊江淮間余招之來竟未得一面

白雲望斷悲門媚蹴躡風塵尙異

鄉

翁子蘭祐余婿也翁遣之往京師待銓批驗所大使

寄哭劉葦間親家

典却朝衫乞鑑湖誰知一別竟黃墟浮家身就循陔近
關心憐退鵠輸玉立諸孫方射策鶯遷仲子已分符
生福壽原無憾只惜還鄉杖未扶

早年聲望白雲亭
身繡身還渡海經
陰德知公門可大親
情向我眼偏青
越王山畔花侵席
履道坊前雪點庭
樽酒

笑言迴首處憐余霜髻亦星星

哭覽生前輩

東風幾日卷沙黃一夕文星墮渺茫詩已成家傳必久才

堪報

國願難償養病身未離冠帶

公六閏月養病見客皆冠帶

止酒

時兼廢稻梁

公病中日一嘔數口

慟半年前噩夢龍蛇有識不荒

唐

余在江南夢公在京師爲盜取持余呼救不獲

見我頻當謝客時昨宵握手語尤悲聽將侵曉身猶倚強

欲拈毫力不支

十九日早猶欲作札與余

百載交期生與死卅年風義

友兼師幼孫稚子皆聰俊待最浮家下董帷

哭戴文端師

三台星拆紫微天一慟人驚
帝眷偏造膝辨留溫室樹
爲霖心斷晉祠泉身宮磨蝎生多感賜被陀羅死有緣聽
誦詔書爭雪涕紀勲不藉史臣傳

小別春明信尙通經帷驚挂故園東十年青眼交親外兩
載紅塵涕淚中
聖世遭逢勝陸相師門紀述愧韓公酬
知敢詡銘幽筆哀諫先愁語未工

哭陳春淑夫子

蓬山一夕朔風哀星闕蒼涼位竟迴斷稿千行留史局
賜銜四品到泉臺彈蕉夢逐騎鯨去補衷心隨化崔來老
輩襟期終莫似請看灑淚盡鄒枚

太乙舟詩集

卷十

輓李雲門先生三首

十二層城鶴駕分
關河迴首易斜曛
曠懷斯世推前輩
高論何人紀舊聞
七始源流譚制氏
九章推步接徵君
謝公絲竹中年事
誰信覃思是子雲

履曳星辰事偶然
上清淪謫自隨緣
盡臣職豈論階級受
主知原在簡編子
厚才高終傑士
仲弓道廣亦前賢
金門索米籌長策
除是家餘負郭田

昔岑末契感前遊
青眼如公量最優
授簡特看詩屬興
卿杯不計酒添籌
書遲京國人初返
笛感山陽夢已秋
演就天元誰校字
劇慚膚學未能酬

題贈齊國師遺照

蓬山却掃十年餘人相全空我相除性以澹成官自達名
因 眷童志能攄身冠擊斷清畿輔卿月光明奉 帝居
認取儀型展圖畫生天慧業拜如如

去之五百若人存文字原徵性行醇才士漫能夸繡輓遺
經誰與證援鶉兩留佛室飄花地夢斷程門立雪身忍把
贈書論派別西州路過總迴輪辛酉夫子嘗以所選程氏
子用光曾許徽節後與用
光劇論經義源流及癸亥
來京而夫子已歸兜率矣

商仲言同年之長郎培榮植軒參軍將爲楚遊以三

月初六日來謁余談次知其日爲仲言之生日仲

言與余同歲而長余三月今已營宰樹矣爲悵然者久之

昨歲春愁驚化崔廿年吟袂歎搏沙金樽檀板無今日楚北齊東有去車我亦遣兒初捧檄君何遣世不思家緣坡竹憶霜痕早

仲言多髯而早白

齊齒憐余鬢雪加

輓周鑑堂鴻臚同年三首

幾人得遂還鄉願又向天街策轡來勝地不緣前分在遠遊爭遣曠懷開南屏北固雲侵袂虎阜龍江月照杯底事尙嫌區宇隘驟携杖履去泉臺

廿年踪跡最相親弟子重聯翰墨因棋局勸君爲地主宦

情知我任天真論詩才却風林約君昨以疾辭余及撤
俄驚總帳新此日椒漿能醉否喬公戲語總傷神諸同年小集之約

題襟京國共勾留同輩輸君福分優家有田疇推舊族園
多泉石快新遊君寓山花木泉石極幽勝皆君所營構如何韋曲城南夢井

入山陽笛裏秋一語諸郎憑記取六曹三館接清修

輓楊在輿表兄

八旬已近人驚去一宅遙分位愴臨次孫炳今隨母就舅鍾獎寓居京師似

舅得年原壽骨先君得年七十有八今君亦以七十八終望孫偕計有秋心憶

余弱冠因朋試倚閣環山約共尋君宅傍環勝山余縣時居君宅嘗登樓望山

姑母嘗命兄偕作山遊塵夢回頭過卅載哭君自歎雪盈簪

哭蔡生甫先生

噩耗風前痛乍聆蓬山空復憶傳經生天自證菩提境遺
楷堪登墨妙亭黃節尙思親杖屨若溪誰與溯儀型長箋
短幅勞持贈珍重都成座右銘

寄輓葉雨垞州牧

十年淮北與西江聽到循聲意輒降文字因緣成宦跡別
離情緒話吳腔

嘉興方語與吳語相近吾
與雨垞話舊輒爲吳語

昨來得爾病中

才不迎吾江上艘豈意朔風吹病骨竟教鶴駕引仙幢

能奠饑鵠登薦牘除書昨已換頭銜

兩垞辨寶應縣備歷
勞瘁大府奏擢秦州

牧部駁取
引見矣

謂當北轍成行日定有閩南寄我函噩耗忽來

驚老眼暨州何日放歸帆銘幽貞石徵遺愛他日知應待
我饒

哭平叔制府

天語更番稱解事飾終予祀備

思榮

用光次皆詢公病狀

以公任封疆爲曉事誤
臣祀名宦之請復更竣部議

禁中頗牧材原大海外思

循難得平餘力猶能籌水利多才不獨擅詩名卅年舊侶
難爲別病後傳聞況易驚

迴首三山旅夢牽傷心噩耗竟風前越人不出醫難信西

識俄占病不痊助我儒迂思昔語

公每謂余儒迂
常遇事助我

約君歸

老悵名泉

公與余約他年結鄰
當窺西湖六一泉畔

雨耶努力成先志莫負

恩綸自

日邊

特旨與
兩子綬蔭

輓楊蓉裳

仙風吹斷蜀山青，徑向珠宮躡鳳翎。夢裏前身真有識，

蓉裳

嘗作紀夢詞，有三十六年塵劫盡，問可能再赴珠宮召之句。自疑不能逾四十年，乃知爲六十三。考終之識也。

人

間彩筆，問誰靈。范韓局小，能平賊

心餘先生送蓉裳官甘肅，有韓范功名在此行。

句蓉裳守伏羌，戒城果以平賊著名云。

溫李才高，不對廷含斂，得依荊樹底。

知君至性戀原鴿。

憶昨春明共嘯歌，題襟已是十年過。龐公兄事山民久，敬

禮文呈子建多。此日佛堂奠蘋藻，當年詩夢繞烟蘿。

共初爲設

位哭於龍泉寺，蓉裳昔所嘗遊也。

大梁亦是聯吟地。

戊辰年蓉裳往秦訪余於大梁，同

關河痛若何

輓倪竹泉觀察同年

海雲嶺樹軫離懷不分風前噩耗來
得病經時春落莫裁書別我語悲哀
絲無續命空成縷棋欲敲枰約舉杯
誰信春明分袂後未謀一面已泉臺

歸夢滇南萬里遙宦情閩徼十年消
避驄威有臺中凜化鶴魂難海上招
生計誰爲舟助麥世緣莫悵鹿辭蕉
王儁幸倚絲蘿託古誼應聞踐久要

謂王玉峯軍門

悼胡雪蕉工部

永煥

莫愁湖畔題襟日記共樽前帽影斜
莊蝶忽尋天上夢晏

楹兼賣畫中花客來爭唱難忘曲書去還歸易借家標識
尚存人已換憐君心事正無涯

工部身後以書畫出售予欲構其全謝山集力不能

得乃託春湖學士以七金構之

輓王鄰川同年

帝城人頌小金吾得我侯來民氣蘇散賑米無沙作飯栖
流屋比芋分區臺員自準昌黎狀畿輔全銷鄭俠圖聽說
黔敖設私祭哀鴻爭與哭黃壚

流民聞君沒相率携楮錢哭於門羅拜而去

容臺薇省擢平銓同宴慈恩過廿年才得似君真立鵲齒
猶少我竟先鞭平原留飲明湖夢覺相分曹射圃弦

余過濟南

君嘗招飲於家昨訪余小圃約爲射會

撒手懸崖何太驟爭禁老淚灑風前

哭姜石芙編修

蓬島新霜影乍飄，劬書人赴玉樓招。不知造物生才意，竟遣瓊枝一夜凋。彩筆幾年干氣象，黔山萬里賦星軺。如何歸謁明光後，無復雲階詠早朝。

校文豈有傳衣分，問字偏叨載酒尋。

君館選後投刺執弟子禮甚恭余亟愧其

意炳燭餘明慚我老，推琴一慟爲君深。挂冠空有還鄉夢，君已乞假將歸伏枕終傷返哺心。愁絕江關歸路遠，麥舟舉殯賴朋簪。

送薛子韻樞歸揚州

譚藪交情已漸深，如何如此作分襟。字無叔重文誰說，座

少公榮酒漫斟前定行踪神偈語

子韻病亟余禱於栢神取籤有杭州太守蘭陵

老萬古名傳玉局翁東坡卒於常州殆以打比常而薛子韻之名傳矣

精藍遺奠石交心遺

書待付孤兒守鏤本流傳事必任

放言一首

造化爐中幻我骸孰爲色相孰根荑隨緣事業安排去墮地精靈認取來已作浮雲須化雨本如明鏡莫生埃閒時自把心頭勘日日尋思有幾回

和席子遠同年仙佛詩二首

鸞鶴紛紛下九天蓬萊枯坐看雲烟漁霞自得延年術煮石難酬住世緣米可成珠從化影塵堪夾穀待行田金甌

玉板無消息瓊想瑤思署散仙

一蒲團地著趺趺香國因緣乞食無面壁九年歸昨夢化
身十種有真吾懶殘行脚從塵市臨濟宗風入畫圖說法
思傳豪薜荔神通只向指頭輸

過錢金粟乞方

求仙何處且扶衰萬卷圍身若懶開參朮有靈叅局劑棗
梨無術覓根荑睡蛇難遣承鉤去擒虎從知占夢求此余與金
語羨汝神完終有恃咲余老態暗相催

韓芸舫前輩屬題龍湫宴坐圖

尊者重瞻諾距耶波旬昨已靜鯨波從知宴坐觀空意不

比閑身蠟屐過料理軍符資九伐叅詳物理證三摩續紛
花雨飄何處認取飛泉灑澗阿

平生山水足清緣玉節牙旗望若仙每論人才要陶鑄亦
如勝境有雕鐫名言近歲欣陪坐雋賞前遊阻執鞭我愧
徐凝難覓句廬山瀑布夢中懸

過家玉生編修廬宿於其遙香艸堂因循詩蹊登僂
山樓過桐陰高卧處蓋英竹井相公獨往園舊址
今歸張菊溪相公改曰嚮往園

石筍槎牙樓俯踞詩蹊其下徑旋開試爲拾級蘚痕踏認
取橫窗山色來襍被偶留詞客廬構堂想見相公才桐陰

十笏許高卧我更因之鄉夢迴

余家園亦有
桐陰草堂

題向亭爲謝九兄作

一亭深處樹陰交
覓句攤書興自饒
石作雲垂光
驟颭風如簫過韻調刁六宜
山色懷先哲三昧詩情話早朝
林志學士下直出門相饒謂之小三昧
相約秋來頻載酒剪鐙訪汝草元宵

和顧晴芬移居西城根東偏詩

鳳城西畔得幽栖
退食花前散馬蹄
舊徑君猶懷石友
介新居我盼接沙堤
憫農念切春畿外
籌餉心馳屬國西
他日功名竹屐告由來公望有端倪

早梅思向故鄉探李相臺邊露彩涵棋局近邀花下醉詩
懷遠向畫中參君有水竹柴門圖急流勇退風原好造膝陳辭事
要擔不負平生吾輩學與君投分許深談

和葉雲素移居詩

營巢心逐嬾雲飛選樹平生自識幾但使藏書容萬卷不
妨近市掩雙扉鐘鼎禁苑携鐙宿香篆雲窗退直歸書
棟雕甍消受處笑他興衛借烟霏烟霏作興衛山谷句

和公舊第亦前緣

宅爲王文端舊居有子午泉

廉讓風高願執鞭

朝

興風諳原望重

君修會與多識掌故

楹書能讀況見賢長齋自守庚

申夜修綆誰爭子午泉一笑元龍樓百尺也辭故宅賦新

蘇軾詩集卷之四
文恭公故宅有詩

謝葉東卿手摩篆隸拓本

石蘭軒畔論交久同燕蘇魚一辨香笑我學慚都講席
君才因少年場手摹奚啻工飛白墨妙重煩搨硬黃此筆
來春遊上苑梨花消息話宮牆

虞伯生有太學後
園賞梨花詩序

謝徐尚之送蟹

吟秋日日潑官醅忽漫持螯笑口開洛下風塵心乍豁江
南烟景首重回三更郭索收漁火千里騾綱碾轂雷露裹
霜包憑致似端知渠爲索詩來

點橙搓菊一觴秋徑取吳酸共拍浮湯沐新除步兵尉頭

衙舊署內黃侯稻芒乍飽潮新退蟾魄剛盈暈欲流認取
芙蓉脂肉在綠雲鬟已付霜漚

法源寺看海棠偕鮑覺生前輩商仲言同年用壁間
南華先生韻

鳳城名友在禪林佳約還偕勝侶等十頃烟光凝碧重千
枝春影照紅深鐘魚誰醒他生夢茶話能留異日心三復
壁間詩老句續貂祇是魏唐音

荔峯同年招遊城南古寺看海棠

今歲園花殊爛漫三株名友對清談正愁落蕊拋春去竭
喜精廬許我探佛力果徵生意久晨光都著露華涵如來

說法維摩笑迦葉阿難許放參

是日爲戊辰諸弟子公燕
勸峯嘉舉乃拉余同往

海棠花下作

向我繁紅獨有情侵晨百徧繞花行韻高不碍春痕艷態
遠能今日影清招客新巢誇幾樹聘梅舊夢憶三生鬢絲
禪榻中年感坐對茶烟故故橫

秋海棠

淺笑西窗事已非秋魂何處認斜暉綠消殘夢鷄三唱寒
到荒園土一圍嬌影乍扶風不定碎心無主雨同飛平生
此錯真吾鑄愁見新紅照地衣

和李春湖秋海棠韻

冷露叢叢壓嫩枝玉欄杆外簾初移何當月曉新涼夜記
取鬟低半醉時羅幕如烟迴瘦影秋陰似夢惜芳期生來
薄命還矜重肯倚風流怨別離

春盡日訪牡丹

江水江花入旅愁杜鵑聲裏住扁舟天涯倦客初投跡南
國餘春可縱遊小院日高人語靜曲欄烟淡午風柔底須
更作禪關夢趁取韶光滿眼酬

遊三華庵時
牡丹盛開

荔峯同年招賞牡丹以所作二律索和紅藥開後始

次韻報之

朱蘭翠幄報春回辛苦經時護凍蕊花意不曾綠雪灑酒

懷端合爲詩開已登芝砌從誇艷更有瓊泥莫忘培一笑
風姨矜氣力金鈴搖影費疑猜

小園我亦徑餘三芍藥臨風萼尙含

余寓芍藥四月半尙開

館閣何

人占識吉樓臺百寶憶春酣幸緣勝侶聯仙袂猛記清遊
訪佛龕弭節三山山外泊廿年回首夢江南

已未春從姚師舟過三山

來訪佛寺牡丹

用前韻謝荔峯招同年六人集聽雨軒賞牡丹

郊寺尋春迹豈忘

上巳後六日荔峯拉同郊寺看海棠

又招舊侶宴華堂晨

星易感慈恩夢絕調難追學士章羨汝瑞雲誇爛漫笑余
翠幔費遮防鞋紅與祝來年盛此日遲開政未妨

和毛俟園學博咏牡丹次韻

叢簞疎石護晴霞
供養全勝富貴家
豪宴罷張千尺錦
詩情恰對十分花
香生露砌春無價
艷著雲堦月有華
笑我題襟來稍晚
尋芳空羨美人車

鮑覺生招遊崇效寺看牡丹用胡稚威韻

色相能融靜對神
等閒院宇覺沈沈
曲江早歲登朝度
安石東山用世心
侵曉喜無蜂蝶鬧
談禪底借雨花深
衛人不解朱欄護
枉說祇園地布金

穀人前輩招同人再集詠庭前桃樹

庭前一樹深紅影
枝葉扶疏照客觴
天與微陰助顏色
公

原化雨在門牆勝游昨夢甬禪榻舊句春山畫夕陽先生
以咏桃花爲酒令前輩舉連日招尋文字飲中年身事渾
夕陽顏色在春山舊句

教忘

楊介坪理少同年

懌會

招集雪中賞菊分韻得籬字

雪中認取九秋枝
硯紙窗楞勝竹籬
送酒無煩衣白使
圍爐競鬥賜緋詩
座中拈骨脾爲觴政得紅者舉詩一句流觴
人間耐冷多幽事

晚節留芳儘過時
南畝花前同一醉
豐年消息稱心期

殘菊

寥落東籬已朔風
雪痕昨夜抱枝融
列屏秋影誰家好
對酒冬心我輩同
莫道花無殘歲感
似聞人有駐齡功
如何

伯始誇曾飲千載寒潭尙傍嵩

題葉雲谷補菊圖

五羊城畔盛花田聽說繁枝可繹川春事夢迴郎署直秋
心閒寫晚香緣小園我亦多餘地謝菊詩方綴雜連補種
未能從爛性披圖一與企前賢

晚香玉

擔頭風露劇堪憐暑夕涼宵影乍妍爲惜清香簾押外待
移幽夢枕函邊一枝較可簪如玉三鳥應隨崔化仙莫向
膽瓶輕折取更邀明月護婵娟

題翁星原並蒂蓮圖

盆花吉兆說當年
盈卷編成翰墨緣
沃土培根才已茂
循陔瞻瞻意同傳
石文代重名儒選
左輔祥徵得氣先
聽

取賓興奏鄉樂

近與星原論關
雎合樂之說

堂前六桂及秋妍

謝小滕寄惠冬青花

老來銀海漸生花
炳燭難將目力誇
不信神方傳秘笈
能翻調語罩紅紗
衡文心自憐
纓蕙感惠情應賦
木瓜一笑
鬢霜消未得愧他
瑤樹著瓊葩

山重嶺複一緘來
此意何殊寄驛梅
冬乳卽看垂穗結
夏雲想見映山開
演綸曾橐中書筆
草制慚非內翰才
紅葉階前吟賞處
萬年枝上夢初迴

太乙舟詩集

卷十

三

詠紫藤用元美韻

乍疑香氣到空林
華屋惜惜靜晝陰
蝶化葛仙迷曉夢
鶯調簧舌競春心
花飄紅雨應羞艷
蕊墮青莎轉覺深
忽向畫圖思往事
故園清賞幾沉吟

朱椒堂同年屬同作閨中詠物詩

菜把

影入行厨眼便明
露莖風葉此奇擎
心安知免夢神訴
秋早倍思鄉味清
求益有傭矜劍獲
議單無士詔傳名
用元修
文章一例須烹鍊
下筍先容客絮羹

菽乳

色欺霜雪味勝酥
盤趙前身問孰呼
儘適貧餐謀舉婦
也充珍饌擬淳母
行厨品次羹兼有
矮屋提攜夢豈無
護世城中傳法乳
不知誰稱穆醴酬

煦全師以今年秋分後
薝蔔放花至冬猶盛
屬伯昂作圖而自題
七律一首屬和敬步
原韻

剪瓊綴雪綺窗深
勝賞因成卽事吟
暑夕參禪宜月夕
秋

心觀化証冬心餘
榮句合元暉詠

謝眺
梔子詩
餘榮未
能已晚
是猶見
奇

望

氣圖應地鏡等

地鏡圖曰
望氣占
人家黃
氣多吉
者梔子
花也

珍重清芬綿世澤

共傳瑞應慰冲襟

賀家竹香觀察 恩賜花翎之喜二首

宣續河防報最新 帝心從此屬純臣
殿前獨對恩原重 日下榮光擢已頻
麗彩一行飄孔翠 高冠九陛切星辰
可知漢代貂蟬貴 珍重雲霄致主身

露冕行春喜若何 部民爭看使君過
鹿隨兩轂仁心洽 日照雙旌霽景和
低映麴塵繁岸柳 遙分霞彩靜鯨波
獨憐燕寢清香夜 絮語雙鬟問最多

乞野雲畫石鈹箋次蘇韻

水郎石鈹收藏久 寫寄蘇公尺幅寬
未見薛痕蒸暗浪 重煩墨瀝潑嚴寒
從來徑數香頰燕 蘇公歲作東坡生日詩
會徑數香坡公題識中

語蘇公在粵
東所得也

昨夜程門雪乍乾 玉局仙人應一笑
菰林韻

事又長安

靈隱寺僧驚宇收梧門集字紙罩溪師命題

梧門詩欲參禪悅本以龕名結靜緣越水招提千里外香
山心事十年前孰吟誰證生天果記荊今添軼事傳在日
情深師友處藏書爲報此林泉

以雙硯贈沈湘南賦長句作价并索和章

平生自笑墨磨人十載蹉跎硯北身銘器恒師金匱戒石
交惟覺淬妃真吟來斗室添詩夢採向空巖傲席珍拔贈
愧非青玉案知君要結衛公鄰

半載聯吟意氣投筆花開處掃驂驢訂交都藉陶泓叟閑

世還師卽墨侯縞紵漫嫌山骨瘦豚蹄早祝石田秋他年
倘結羊求伴多覓紅絲共唱酬

魯縞亭和贈湖南雙硯韻見示因疊韻奉答

知己無多此數人吟懷同惜客中身偶移鸚眼投秋士待
擘雲箋寫性真山骨幾年遺舊璞芸窗何事謝奇珍笑余
也有章侯癖擬結端溪十載鄰

卮言聊作木瓜投傳稿無煩控紫騮才士吟詩如遇敵書
生得硯勝封侯蹉跎忽感才華減拓落還悲旅鬢秋羨煞
歐陽門下士制科遺器志能酬

蘇文忠有試賢良硯爲子
過所藏縞亭將應今年

思旨故
及之

雨夜書懷三疊前韻

偶作巡簷久手人催詩急雨打吟身一年歲事忽過半萬
種閒愁誰最真悟罷因緣參佛解迴看心地得奇珍從今
精進關頭去多謝題箋索句鄰

杖策何當玉帳投從軍漫擬躍驊洗兵已借天河水

時楚

北有捷音草檄誰從龍領侯街柝暗沉官漏永燈花寒拂劍鏐

秋書生結習懷康濟知否他年願果酬

籀亭以鐫石見贈四疊前韻賦謝

八體書誰嗣漢人九千難試學童身派歸魏晉源初異字
習籀斯世鮮真繆篆君能師古法玉章我自惜奇珍燈明

花乳良朋贈雙壁從今詔四鄰

瓊琚玉佩一相投壓倒名姬換駿驕但有圖書揮翰墨儘堪符節傲公侯緘來尺素芝泥疊印罷芸編紙帳秋待覓琳瑯報佳惠只愁漢隸更難酬

以松江箋贈湘南五疊前韻代柬

誰向華亭作解人網來三十六鱗身搗成寒雪光如照研取名花色更真銀管漫吟才子句魚肥敢比上方珍越中自有溪藤好持贈應慚玉版鄰

好友天涯幾幅投連朝詩思騁驂騑持將楮國中郎將分贈東陽沈隱侯

此箋本箱亭所贈

角勝詞擅先按壘罷題桐葉更

驚秋投桃報李尋常事只要先生麗句酬

籍亭雨中邀同沈湘南黃右丞呂吉亭小酌六疊前韻走筆賦謝並呈諸君子

折柬來邀襍黻人虛堂小聚客中身一天涼影雲衣卸百
疊苔痕繆篆真雨氣入簾書亦潤年華及壯璧同珍花磚
倘遂題橋想願結春明比屋鄰

妙句更番遣僕投駕駘焉敢逐驂驄酒懷偶中慚豪士詩
國無功愧徹侯養志從來須守璞清才如子莫悲秋堂前
各有衰親在麗澤交期令德酬

七疊前韻戲呈湘南兼示籍亭

等是批風抹月人，冷吟應惜客游身。
天花墮處心全悟，幻泡生時境豈真。
綺語漫思他日懺，菩提應識百年珍。
芭蕉堅固根塵滅，不二門中好結鄰。

龍梭齒折問誰投，白下看他果下驄。
進隱但能師伍舉，羽人虛說負齊侯。
歌場酒醒魚龍戲，蝶夢寒生翠被秋。
我亦年來狂漸減，情懷只向古人酬。

寄懷環蔭十二丈八疊前韻

黃金臺畔罷歸人，握手欣逢小住春。
兩世交緣前輩密，

兄令

楚帆先生於家大人爲至好

十分醉倚客懷真，夢中月墮梁邊影。
別後

書留篋內珍，按曲飛觴行處有雅游。
誰續蔣生鄰。

話到明珠惜暗投寶刀空擬躍驊騮書生氣短三錢筆學

士詩輕萬戶侯漫借風情消雜感何當元解話深秋

十二丈約

於秋末重來

宮亭湖水儂家近如願還期洛浦酬

前與丈有買婢之戲

以橫幅乞湘南爲書哀蔣古今體詩九疊前韻代柬

要將詩律學前人持誦應宜坐對身心悟敢誇糟粕棄愚
明如見性情真好師索靖碑有卧厭說中郎枕後珍憑仗
揮毫張雪壁從看虹彩耀比鄰

二老當年意氣投雙馳赤驥與驂駟投名髫日曾推顧問

字元亨敢繼侯

予幼時心餘先生曾爲書扇取名符生而癸丑歲游江南曾受詩法於簡齋先生

柳谷晴波三歲別驚湖宰樹十年秋少陵已死青蓮老知

已無忘志業酬

囑人寫照詩以述意十叠前韻

無端住世作陳人
謫降誰憐上界身
守拙頗無執袴習
隨緣惟喜性情真
袖中詩是安心法
架上書爲濟世珍
著個雲鬟傍年少
牆東莫認朱家鄰

翩翩玉燕向懷投
甘讓桓東縱紫駟
案有龍唇堪命酒
相無燕領不封侯
退朝衣帶爐烟潤
保直香芬午夜秋
同輩幾人今已貴
他年此願會須酬

籀亭爲題游仙圖四律詩殊清麗十一叠前韻賦謝
誰居官府號仙人
袞袞都憐守廁身
吞篆莫窺丹訣秘
佩

符難覓虎囊真雲邊崔駕三生夢海上琪花萬古珍我自
行空龍杖好壺中聊結費公鄰

閨苑蓬萊信所投翩然仙驥勝駟解飛玉舄等王尹能
賦新宮傲蔡侯絳節夢招鸞鳳舞碧雲詞唱海山秋他年
楊奕君能否龍脯園絲儘意酬

籀亭能奕

十二疊前韻柬湘南

住世思爲出世人雲中鶴駕夢中身偶煩畫手傳霞想待
著青裙拜玉真仙樂音流千嶂彩行厨酒進十洲珍知君
要我爲同調定結嵩高采藥鄰

十首詩同百琲投居然遠意騁驂騑敢云餌朮師彭祖定

不成神學蔣侯東海飛塵初化水南山枯骨又驚秋煩君
急向圖中寫他日當求石髓酬

壽王侯祖前輩七十生日

七排

漢學聲名領石渠高年咳養就安輿銀臺春舉延齡酒紅
藥花紫獻爵裾是有通才皆進履得分著錄勝臧璵千家
訓故分下派六籍權衡在六書一說未安心尙警羣言能
擇意才舒汗青本已入沾漑鑷白年猶自獵漁曩借鄒門
通尺素願依馬帳作鈔胥幸緣熊臯親談笑數向鱸庭問
起居識字空知韓子戒治經愧似賈山疎測蠡窺管間終
謾提要鈞元慕恐虛請業鍾陵通遠札侑觴綺席質經畬

召公九十卷阿頌
矜頌章平盛業
撫

金陵張月姑 旌表貞孝詩

白門張氏有瓊枝
貞孝名標綽楔宜
芳字原從仙籍認
苦心只許素娥知
夫爲皖口官人子
父是江南老畫師
徐淑秦嘉緣落莫
粵雲吳樹信差池
十年苔徑辭行跡
五夜琴聲撫斷絲
燕壘原非孤鶴例
鵲媒漫益孝烏悲

有以乾隆五年例婚

期過三年不變者可另擇配官
爲給執照爲說者女以死自誓
女貞木分無連理化石峰

惟有誓辭從此事
親手營膳更能助
嫂夜擎兒調麋量
水

分勞日願杼挑鐙
課讀時膝下鳳雛
如戀母堂前霜髮
慰

含飴人非元結心
同瘁境異陶嬰節
並垂我慕杜劉成
傳

記杜預女記與劉向列女傳體例相似今惟見太平御覽所采取數則特拈彤管賦新詩